



藝海珠塵

14
1627
45



門 14
號 1627
卷 45



雲間第宅志

雲間第宅志

王

雲篔

里貫見集部
桐川詩鈔

聞之長老言嘉隆以前城中民居寥寥自倭變後士大夫始多城居者予家世居城南三百餘載少時見東南隅皆水田崇禎之末廬舍櫛比始無隙壤矣乙酉兵火之餘惟東西大道官署民居僅有存者其他皆為瓦礫老者過而隕涕少年皆迷失道已三十餘年予耄年督

史部地理類

南滙

吳

省蘭

泉之輯

南滙

陳

鴻書

麟玉校

上海圖書館
25 10 30
贈人來

眩艱于杖履每一念至輒爲愴然失今不志將爲桑海
然衰病既久苦多遺忘所能記憶者十之三四耳今自
我生之後迄于乙酉聊述所見口授子孫藏諸敝篋以
示來者豈敢比明遠蕪城之賦東京夢華之錄哉
府治約當城之中稍偏西治左爲東城右爲西城治前
一河自東至西貫城之中東自亭橋入北遶治後至
大吳橋一支折而出北門西經北倉前過黑橋南出
豐樂橋會于前河治前河南爲南城治後河北爲北
城以東西河爲界先內後外此志之大例也
治東單工部國祚宅 陳少參嗣元孝廉汝睿宅後有

朴菴 黃太守廷鳳宅今爲顧孝廉伯騏宅 東察
院左倪孝廉甫英宅今歸謝侍御秉相傳爲一沈學
士舊第 姚家巷張太常明正宅 察院後顧光祿
正心宅有淇厓閣 杜方伯喬林職方麟徵宅有安
譽堂董文敏書今爲姚蔭君世曙宅亦顧氏業也
張大學之象孝廉雲門齊顏蓋臣五世宅有傳硯齋
亭橋北邱家灣爲北城界 橋東何學憲萬化宅
理刑廳東吳戶部嘉允孝廉欽章宅有疇趾堂
進士永孚宅 李孝廉繼厚宅 莫方伯儼臯宅
彭孝廉賓宅 李大參伯春宅 王京兆庭梅宅

東明橋張太守翼軫宅 孝廉壽孫宅 俊士坊下
醫家何氏宅宋元時舊居

治西廣明橋唐工部昌世宅 橋北河已堙塞有小橋
曰東陽後有東陽道院予家譜載一世祖玄覺道人
居東陽橋西畔今不可考 趙店土地廟 西郁太
守山宅 華亭縣治西金孝廉時揚宅 姜中翰雲
龍宅 普照寺西林太僕景暘太守有麟宅有玉恩
堂莫如忠書後有翼文閣趙宦光書 鶴城書院今
改求忠書院祀方正學孝孺也後有陸昭侯避祠林
氏建 陳工部所聞給諫子龍宅有平露堂陸師黃

詹事道周書 佛字橋河南徐文貞孫金吾肇美宅

轎轡里張兵部明化宅 施通判印宅 張貢士

天混宅 河西徐文貞公階舊第有平格堂 豐樂

橋北思鱸巷章工部憲文宅子孫聚居孝廉簡進士

曠其諸孫也北至黑橋為北城界

南門內有河自南亘北有石橋三日新橋曰迎仙曰城
隍廟界至莊老橋入于河東行支河一自長春道院
而東者已淺塞一自陸家橋東過烏龍潭董文敏宅
折而北會于長生橋河一自望仙橋東過千戶所分
流而北過淨土米市二橋入于河又東行過長生橋

折而北過織造局坦水橋循東城隅以入于河南門
 內河西行自徐文貞祠府學西文貞第太平橋折而
 北經縣學西過沙家合掌二橋文貞舊宅循西城隅
 以入于河今以南門內南北河為界分列東西
 府治河南一大街直至羅神廟 東察院莊老橋一大
 街直至南門 理刑廳橋一大街直至錢家府巷
 東明橋南一大街直至坦水橋縣治河南一大街
 直至縣學東 普照寺河南一大街直至縣學西
 南門內迎仙橋一大街自東而西過羅神廟縣學西
 出普照寺南大街

南門河東大街從祖司李坊宅南有龔家巷宅舊在巷
 內今改西向臨大街 先祖學博公宅 陸家橋北
 先曾祖贈公舊宅門有額曰五鳳齊鳴今為張宮諭
 以誠子安茂宅里人至今稱予家為望仙橋王氏云
 橋北從祖憲副城舊宅 錢相公龍錫宅北出莊
 老橋東察院大街 河東小街長春道院東徐文貞
 孫文學繼芳以崇宅本龔給諫舊居北向南烏龍潭
 有額曰龍門里久廢西有龔家巷出南門大街徐改
 宅南向面城 馮孝廉大受竹素園今分為三南為
 許給諫譽卿園有愛日堂西為楊少宗伯汝成園東

為杜太學元培園龍門寺居其中北向東杜太學
 元培宅 陸家橋東竹籬亭舍陸貢士篋宅 張宮
 諭以誠子安苞宅有酌春堂董文敏其昌書本范方
 伯惟一子允中宅後有雙鶴園相傳為張侍御祚故
 園 盛太學慶遠宅本陸孝廉萬言宅南面烏龍潭
 與龍門里相對今潭堙塞董文敏孫庭築為園積
 慶寺東從祖孝廉臺稜宅 董文敏公其昌宅 長
 子蔭君祖和宅在後北向 楊宮諭繼禮少宗伯汶
 成宅 又東為綱帶葉副憲有聲宅 王工部庭柏
 宅 杜大司空士全宅 弟孝廉士基宅 子蔭君

元方太學元凱宅 孫太僕士美宅 高孝廉汝暹
 宅 西長生橋通司前聶吏部慎行宅 王副憲會
 宅有百客堂 高太史承祚子太學秉棻宅 秉藻
 宅 董文敏少子蔭君祖京宅 東長生橋北為假
 山頭宋侍御賢中翰天顯宅 望仙橋東陸進士亮
 輔宅 沈司馬猶龍宅即亮輔祖侍御萬鐘舊居
 東即千戶所前街從曾祖饒平令焯舊居今為從
 祖憲副城宅淨土米市二橋間宋孝廉懋澄二宅子
 敬輿徵輿分居前為友恭堂後為佩月堂 東為錢
 家府巷 高承順孝行坊下陳少參夢庚宅今為從

祖太僕陞宅有環恩堂 朱憲副正色宅今歸太僕
有合美堂 李孝廉耆卿宅今歸宋氏有海閣堂李
中翰待問書本東向今改南向小巷曰仁讓里 楊
太守汝翼宅北出理刑廳橋大街 自太僕宅東陳
徵君繼儒宅門有額曰山中宰相 袁太常燿宅
高孝廉汝誠宅 李大參叔春宅 慧燈菴橋吳氏
醫室有松風草堂董文敏其昌書陳徵君繼儒題其
閣曰大隱在朝市仙人好樓居 北曰馬頭李刑部
繼元宅織造局東西李氏聚族而居李孝廉之楠宅
坦水橋南李中翰待問宅有玉裕堂董文敏其昌

書北出東明橋大街

南門內新橋河西徐文貞公階祠後徐孝廉孚遠宅文
貞第司寇陟曾孫 祠西翁文學起鵬起鵬宅 府
學西街徐文貞孫貢士繼振宅 仙鶴館西徐文貞
公階賜第有章賜世經二堂門有額曰三賜存問
弟少司寇陟宅 陟孫太學爾鉉孝廉浣承宅 河
南陟曾孫文學致遠宅有師儉堂申文定時行書西
有生生巷別墅陟子太守琳放生處 西河莊吳廷
尉爾成宅有春暉堂董文敏其昌書宅西有園 莊
少參元貞宅 何職方剛宅 迎仙橋河西李侍御

凌雲舊宅北向後有牛市涇久塞南與弟凌霍始通
 迎仙橋沿河之路復購楊中丞豫孫鍾給諫字淳舊
 居更新之東有元楊維禎草玄閣董孝廉尊閭宅
 本張侍御祚舊居有石坊祚孫進士若蕤重修季中
 翰待問書曰威豸德麟陸中丞樹德宅曾孫孝廉
 慶紹居馮太學鼎爵宅單進士恂宅朱吏部
 永祐宅西至羅神廟城隍廟橋河西董文敏其昌
 祠棠谿書院故址也城隍廟西王進士宗熙宅
 顧光祿正心宅額曰特命嘉賢西有高義祠興聖
 寺前李總憲沾宅張孝廉軌端宅羅神廟北街

錢少司寇士貴宅過會仙橋北出府治大街羅神
 廟西馮廷尉舊居錢相公龍錫宅西父子忠孝
 祠為馮侍御恩楊給諫允繩建至縣學自會仙橋西
 集仙街許通政樂善舊居今為其族給諫譽卿宅
 張職方履端宅有素宜堂門人黃詹事道周書林
 太僕景暘別宅李太僕逢申宅董中丞象恒宅
 徐文貞孫文學景曾宅有中美堂董文敏其昌書
 董中丞象恒子文學景傳宅有築野堂李中翰侍
 問書西街莫孝廉天淳宅石幢張給諫承憲太
 學翀之宅有端諒堂北出縣治大街清和橋姚太

學維柏文學綸宅余外舅家也 姚工部元胤宅
 莫孝廉是豹宅 董太學培申祐申宅 東北府獄
 司前金古泉藥室元時故居 縣學後南察院陸昭
 侯遜舊第 吳進士培昌宅 董貢士巽申宅有重
 瑞堂董文敏其昌書 南察院後周夏二公祠曹氏
 藥室董大學羽翔宅 縣學西章孝廉元復宅 沙
 家橋陸文定樹聲少司寇彥宅有麟慶堂門有額
 曰天恩存問 蔭君景元宅 曾孫貢士慶裕宅
 進士慶衍宅 孝廉慶臻宅 張進士羽之宅 俞
 臬使汝為孝廉廷諤宅北出普照寺大街

東亭橋邱家灣以下郁孝廉繼祖宅 夏太常嘉遇宅
 東北日新書院錢相國龍勳父孝廉大復講學處
 張宗伯鼎宅 鄭太守棟孝廉重光宅 唐兵部
 昌齡宅 東馬橋一帶皆范方伯惟一舊居今各姓
 分居焉范家巷內有嘯園方伯孫孝廉必世居之今
 廢 城東北隅多故家別墅有林木之勝何司李三
 畏園稱最有觀濠堂門人陳徵君繼儒記 城西北
 隅馬嶺寺 董蔭君祖源宅有龍孫館文敏書 東
 馬橋西章工部元衡宅 朱僉事本治宅 朱庶常
 積宅其祖司丞大韶舊居有經術堂汪道昆書直府

治之後東有繡衣坊宅後相傳爲蘇御史恩舊居司
丞築爲文園屢易主矣今太常國盛居之大加營治
庶常爲汶陽之請不得爭詆不已 蔡孝廉懋廉宅
徐憲副禎稷宅 西馬橋徐文貞孫太守肇台宅
西出大吳橋南出縣治大街北出北門大街 唐氏
醫室 雷司李德音宅 陳孝廉正容宅 唐中丞
珣二石坊 安于道院東唐中丞孫文恪公文獻宅
有占星堂後有霞城閣少子孝廉允諧居之北出柳
家巷 董少宰羽宸宅有叩浦堂文敏其昌書 錢
進士世貴宅 柳家巷張方伯所望宅 李侍御

榮宅侍御自縊死宅已廢 東倪氏居今董貢士十
申宅東卽朱氏文園矣見前以上北門河東 北門
河西包進士爾庚宅 姚大參體信宅今爲孝廉揚
美玄之黼三世宅 張貢士密宅有正與堂黃詹事
道周書 王孝廉元琮宅 馮侍御明玠宅 河南
周貞靖先生思兼別墅其孫文學裕淳居 本一禪
院西宋中翰徵璧宅 李侍御凌雲宅 前街北倉
林太守有麟宅後有素園 許孝廉士奇宅 王侍
御元瑞宅 馮待詔鼎位宅 錢刑部大忠宅前有
黑橋水出豐樂橋入于前河

南門外官紹塘張涇二河皆入黃浦 大街姚孝廉鏗宅 先府君貢士宅有與書堂李中翰待問書 奚進士士龍宅 金孝廉以魯宅 普濟橋彭孝廉賓宅 周太學立勲宅有符勝堂崇禎間周爲吾郡名士之冠不遇而沒士論惜之 登山主橋董孝廉中立進士中行宅 薛孝廉靖宅 阮家巷陸宗丞樹德梅南草廬有讀書樓崇禎間郡中諸名士嘗觴咏高會其中人稱曰南園 清水石橋任大參勉之宅門內有石刻云登科致仕恩榮始終楊文貞士奇書 呂解元克孝宅 學士里顧文僖公清舊居今張

司李一鵠宅有來鶴樓鴻范堂 文僖後宅爲林太僕景陽別墅有玉蘭宇陳道復書 西陸邨有朱郡丞灝園 吳進士培昌宅 東城河張莊簡公悅宅有坊曰完名金節 張職方履端宅有永錫堂 張莊懿公蓋宅有卻金堂 少宗伯鼎宅莊簡莊懿同時名臣有城河一灣兩尙書之名東至龜蛇廟莊懿祖墓在其後隸卽莊懿兄鏗之裔也 東門外南北俞塘皆入黃浦 南俞塘宋孝廉之蘭宅李太學延亮宅有棲雲館李中翰待問書先君授經處 徐孝廉行宅 夏孝廉廷球宅 朱刑部輅宅

彭待御彥昭宅 楊刑部忠裕園 顧光祿熙園
有太湖巨石宅有坊曰高義 咸通橋金孝廉時振
宅 果子巷張中丞肯堂宅 宋待詔存標宅有四
志堂李中翰待問書 北俞塘孫文簡承恩太守克
弘宅有勤有敦復二堂東臯雪堂聽雨軒畫壁諸勝
河南有文簡父太守衍別墅今爲高氏園 陳太
守懿德宅今歸錢氏 吳長史稷宅有石湖精舍胡
宗憲書嘉靖間倭寇至不入其廬世傳有千金難買
俞塘北之謬 沈進士士英宅 顧中翰正誼濯錦
園有同野瞻林之堂

西門外河西入泲 河北大街張思雲藥室元時故址
莫家巷杜方伯喬林職方麟徵宅 貢士騏徵宅
太學駿徵宅 澤潤橋西北陸文定公樹聲祠有百
歲名臣坊 白龍潭西至雲間驛謝侍御秉謙宅
夏吏部允彝宅 完節坊爲沈進士泓母建 九峰
書院祀宋李忠定諸賢今廢 東塔巷徐少司寇陟
徐太學鳳彩宅有鷺公居 西塔巷徐少司寇陟孫
太學爾鉉園 前涇橋東北翁給諫元益宅 西北
舊有高禮部士別業今皆爲民居惟瑤臺尙存 花
園洪夏吏部允彝舊居兄之旭宅 白龍潭張太守

昂之宅有室曰冷石度書處董文敏書一聯云善且不為
 而况惡身將隱矣焉用文 採花涇張進士若蕤宅
 黃京兆庭鵠宅 石匠鋪徐文學方廣宅萬歷間
 名士文行清高士林敬之 河南竹竿灘王侍御元
 瑞宅 吳孝廉道醇宅 蔣孝廉爾揚宅 許孝廉
 啓源宅 湖橋徐孝廉世禎宅 諸行聚奎里錢狀
 元福宅 谷水道院沈太守匡濟宅 長橋西笏溪
 陳孝廉玄壽宅 陸高士應陽宅堂有額曰主盟風
 雅谷陽橋張太守汝弼宅有壽康堂左右皆其子孫聚
 居焉 陶行橋袁長史福徵宅有海雲樓

北門外河北入吳淞江 陸文定公樹聲賜墓左有廬
 曰墓田丙舍堂中以朱文公耕雲釣月四字為額公
 孫蔭君景元常居焉餘皆民居重築 實夫校

恥言

徐禎稷稷字叔開號餘齋江甯華亭人明萬曆辛丑科進士刑部主事歷四川按察使

恥言者家居談說偶識之簡者也言之未克行焉庸
 無耻乎存以備自省亦以永後人猶冀有能釋子恥
 者
 或問士之為學必求其言乎夫子之教也思

藝海珠塵

子部儒家類

南匯 吳 省蘭 泉之輯

介休 范 重榮 實夫校

恥言一

徐禎稷

禎稷字叔開號餘齋江南華亭人明萬曆辛丑科進士刑部主事歷四川按察使

司副

恥言者家居談說偶識之簡者也言之未克行焉庸無恥乎存以備自省亦以示後人猶冀有能釋予恥者

或問士之為學奚先餘齋曰其忠信乎夫子之教主忠

信夫雖有庶美無主焉麗故堅壤宜構沉木宜雕
餘齋曰道人也學所以爲人也倫外無道矣明倫以外
無學矣

餘齋曰志道者其始於遏欲乎開畚者誅莽明鏡者刮
翳夫學亦求其害身心者去之爾四勿三省淵與所
以弗畔也夫

餘齋曰清澹者崇德之基也憂勤者建業之本也古來
無富貴之聖賢無宴逸之豪傑

餘齋曰士常使外不足而中有餘常使華不逮而實過
之是道也以爲德則積以經業則立以行於世則遠

或問於餘齋曰爲善者必得天乎曰未也爲善者必得
人乎曰未也夫爲善易積善難士之於善也微焉而
不厭久焉而不倦幽隱無人知而不聞招世之疾逢
時之患而不變是故根諸心誠諸言行與時勉勉不
責其功夫然後親友信之國人安之而鬼神格之也
善積未至其疇能與於斯乎

餘齋曰事父母者莫善於順宜兄弟者莫善於讓故順
孝之實也讓友之本也

餘齋曰榮華可耀而弗耀者其神全也目前可快而不
快者其規遠也故喬木無艷花蘊火得久熱

餘齋曰論語者講學之祖乎言理不離人事言心不離
天下性與天道之言蓋罕之也吾何敢言聖人所罕
哉

餘齋曰政以一教也詞以著理也政不規於教故世無
治矣詞不繩於理故世無文矣

餘齋曰爲今天下而不去其奢雖使周公制法召公宣
政治之興無日也夫必奢去然後士大夫廉百姓務
本而易足以廉士大夫御務本易足之百姓於王道
乎何有

里人有故宅與匠師營之潦集於堂匠不顧曰易也病

在瓦左室字撓匠自牖牖曰此病在棟易之耳而後
有樓岑如也其體微欹匠乃周視列礎蹙頰曰不可
爲也病在基或告餘齋曰忠信孝友是亦人之基已
餘齋曰有爲而不欲人知者其致力也必毅其進也必

餘齋曰食效不忘其本居名不兼其利天道也世有人
焉迂而固或爭誹之餘齋曰無然古謂狂狷今所謂
迂固也不忍雕折其性情以苟調於世故受斯名焉
猶天地之真人也夫

市有鼎焉其質青碧觀者爭戶需價倍百餘齋曰是腐

鼎也而貴若是士服古之道俗相詬爲腐也而棄之
是兩惑也智者擇器不厭今擇道不厭古

餘齋曰爲論似迂久而見徵者神其遠也始計若拙究
弗受悔者識其深也崇晦府君有之

或問簡餘齋曰無爲其所不爲簡矣

餘齋曰士有三不鬪毋與君子鬪名毋與小人鬪利毋
與天地鬪巧

餘齋曰君子不以忍讓人或問何謂也曰惟君子也能
忍人爲人所忍其人何如

餘齋曰謂我不信而諛我者戲我也謂我信而諛我者

愚我也士不受人戲亦不受人愚

問無端之毀忿可釋乎餘齋曰可曰何如曰奚傷問失
意之境憂可解乎餘齋曰可曰何如曰無益

或曰語云國政易家政難何也餘齋曰疏任法親任化
遠者易飾近者難欺

餘齋曰爲家者毋以偷昧子弟毋以奸習僮僕菽禮便
私所以昧偷也傷義爲利所以習奸也子弟偷而僮
僕奸雖有家其享諸

餘齋曰常以骨肉之合睽徵人家之隆廢不失者十九
矣故有子孫莫先教以睦夫均一則不妬有定分則

不爭習之以禮讓明之以大義然後問言不入嗚呼
堅石數仞楔則裂諸金堤百丈蟻則決諸骨肉之釁
肇於微成於積慎之哉

餘齋曰爲家者嚴非類倍於嚴寇盜寇盜賊財非類賊
人財敗可再營人敗難爲也故狎交邪客子弟之賊
三姑六婆中閨之賊於此不嚴惡乎用其嚴

餘齋曰家之失親也繇婦人者十有五故女子妻妾必
令知大義則能贊仁讓和骨肉詩云之子于歸宜其
家人利用柔德調合一家婦道之正也

或問居室之道奚尊餘齋曰其儉哉儉以寡營可以立

身儉以善施可以濟人

餘齋曰人問先府君何以貽子孫曰無累何以教子孫
曰自立故沒躬不殖生產

餘齋曰愛美材者嫌刃斧之利乎愛良金者忌煅煉之
猛乎姑息之是狗甘軟之與處愛子弟乎

餘齋曰先見後慮徹事終始智之深者也周詳持固事
成不瑕才之真者也躁猛自才狡察自智吾與也乎
哉

餘齋曰均人也而爲聖賢爲仙佛疇爲之心爲之也故
有聖賢心則聖賢矣有仙佛心則仙佛矣問聖賢仙

佛心何如曰真如斯而已乎曰不已真則不已

餘齋曰先子常言子觀人世久矣天之報盈尤速於其報惡也夫處滿招悔不必大戾爲德自盈猶將傾之餘齋曰人有言天道妒名而疾盈非妒名也妒夫好名者非疾盈也疾夫怙盈者故士名而不尸盈而善持天其保之

問佛教餘齋曰吾未之敢非也而不敢從曰何居曰儒者有儒者之聖人焉釋教有釋教之聖人焉我儒之凡人也哉以凡非聖則僭以儒從釋則亂曰敢問儒與釋之所以異曰儒尚倫釋棄倫

然則輪迴有諸餘齋曰聖人未之言也或亦有之形生而神麗焉形與神敝則死形盡而神不盡則有輪迴殆偶也非常也

餘齋曰人治家業以貽後也治家不治守家之人貽業不貽保業之道智乎哉

餘齋曰噫積委以傳後其醫之傳藥者乎或曰何謂也曰上醫傳道不傳方下醫傳方不傳藥醫家之子不知道又不知方而又藥充舍皆殺人之具也

餘齋曰先子言范大夫異人也天下事經措理靡不奇快但長子吝中子狼少子汰末如之何意殖材而慕

色其躬之不範與

道家餽符曰能禳不祥餘齋曰土有神符五菑害斯遠矣故慎禳疾儉禳荒怨禳怨廉禳盜損禳禍之五符者吾慕焉求焉奚以子之符為

餘齋曰教之而信必先有令人愛者禁之而畏必先有令人敬者

餘齋曰患芽而莫之省也乘於所快乎難發而莫之收也中於所狙乎諺曰安臥揚旣不見石灘靠天多伴白日入阱

餘齋曰土而多言疾也寡言德也尤慎四乘夫乘恣而

言將無激乘快而言將無恣乘醉而言將無亂乘密暱而言將無盡

餘齋曰言之不祥者有五揚人失者鴟鴞之言乎構人釁者風波之言乎成人過者毒醜之言乎證人隱者鬼賊之言乎傷人心者兵刃之言乎

志曰海南有樹叢陰翳巖析而薪之烟不上炎中春作葩煒若錯錦承露而敷日出即殞土人見而翦之名曰翦樹餘齋曰人有材不益是用則如無材有文不

垂世教則如弗文是翦樹之類也
餘齋曰遇顯者而容改貌恭也談熾行而色動心敬也

士欲令人貌恭乎心敬乎

餘齋曰周禮朝後為市市有門庶民入之公卿大夫入者罰之三代以後茲法湮矣然公卿大夫烏可不知

此意

客問餘齋曰君子處世不辱其名文中子以無辯止謗謗固可受乎曰士人言忠信行篤敬久而孚焉一人謗之衆人不與也夫一喙辯謗則謗長衆不與謗謗容不止乎止謗之道不在辯也

餘齋曰曠達之足尚也以其中無俗韻乎沂浴零風其人也攜邑銜孟名曰洋泗不名曠達

餘齋曰有蠹之木堪荷棟乎有蠱之舟堪濟遠乎利欲

蠹之榮名蠱之蓋人之堪任道者鮮矣

餘齋曰居室而不儉者有五奉先一也為逝者治棺槨

二也為子弟敦師友三也疾求醫藥四也郵親舊周

急乏五也亦稱其力焉而已矣

餘齋曰故家遺風在能存禮法不在不失體勢

餘齋曰曾皙之志幾於無欲矣人有才易無欲難無欲

後可與知幾知幾後可與用世此行藏所以獨歸顏

氏也以三子之才而曰不知其仁其未及者在斯乎

餘齋曰吾見仕宦而室不豐者寡矣吾見豐而不侈者

寡矣顯不可常而習侈難反故世家之能保者寡矣
餘齋曰驟長之木必無堅理早熟之禾必無嘉實故為
士者遇不憚艱難將以貞吾骨成不嫌遲晚將以厚
吾才

或問今天下用人之道奚先餘齋曰先絕二疾何謂二
疾曰墨競請益曰自近始

餘齋曰學者能高衆也毋以勝人行標俗也毋以繩人
免矣

餘齋曰禮以治身仁在其中矣禮以為國法在其中矣
餘齋曰獨立之行不徇流俗然怨不可不恤也高義之

事弗避小嫌然累不可不慮也

或問齊之霸不易代而晉以數世霸何與餘齋曰文公

勝楚有憂色曰吾聞能以戰勝而安者其惟聖人乎

斯數世之言也

餘齋曰方藥非所以養也然見方則識遇藥則儲懼夫
疾而求之無及也國之於戎亦若斯矣

或曰治倣國如治羸去痰與火也勿盡餘齋曰凡事不

可不誌始也至於藉痰與火以立命悲夫士不幸處

此謹養元氣以漸克焉幾可也

餘齋曰以乖和競讓徵人世之德怨以勤惰奢約兆人

家之成敗以盈損慎肆卜人事之吉凶以仁刻厚薄
推人福之悠促譬如望叢求爵循穴搜鼠不獲者益
寡矣

餘齋曰士在世有以不用爲用者國家待士有以不用
用之者

餘齋曰世人謂行義者其好名也勤施者其干福也語
云若避好名之嫌則絕爲善之路矣吾亦曰若避干
福之嫌則絕濟物之路矣

餘齋曰易責人而樂譏俗其亦弗思也已夫已無遺行
後可責人家罔闕事後可譏俗古人有言吾暇乎哉

餘齋曰制政所以爲民也古者之政莫詳于民事蓋田
里農桑以逮塵市事爲官官爲法且課而暮稽焉故
名各得而奸不生今壹廢之末政繁而本政隳矣欲
善治其得諸

餘齋曰居官一介不取易一介不與難然未能一介不
與而曰我能一介不取者未之信也

餘齋曰忍飢寒以厲操難不匱衣食而無苟得易故節
勤者養廉尙志之一助非欲致贍

餘齋曰救荒無奇策奇策不救荒或未達曰救焚無奇
策奇策不救焚故曲突無燎災預備無荒年若請足

民軻陳王道救在平日不救在荒斯荒策之特奇者
餘齋風於巴江長年馭舟簸浪色也夷然餘齋問曰子
何巧而能靜也對曰小人與是舟周旋風濤二紀矣
夫風性也江性也舟之性也心皆識之而身皆習之
識故弗疑習故弗驚吾何巧乎亦何知吾靜乎餘齋
瞿然識之

城南饒花圃餘齋觀焉其樹靡不端秀者餘齋曰奚而
能若是也圃之人對曰木始生甚柔久則漸剛吾及
其未剛也繩之而直規之而圓經緯之而勻若一其
性不傷而成不覺故能若是也又東鄰菊叢茁於西

印

鄰幾半曰種異乎對曰非也東家治菊必選花工之
勤良者使之主人身親董焉西家任不擇人主多他
翁故莫恒省也餘齋瞿然曰吾聞言於場師識教術焉
餘齋曰仁生理也故卉木實中之含生者命之仁實卽
誠也物之終始也故卉木之旣結而又傳生者命之
實
或問使貪使詐餘齋曰能制之謂也不能制而用之是
爲貪詐使也
餘齋曰講學者將以爲也謀途者將以至也至必有自
故人出戶先識鄉井行鄉井者行天下之道也車馬

戒餼糧具乃試之邦國以達乎天下超海踰漠本無
定程焉用懸揣以待諸能者今與童子坐室中遙數
廣輿亟亟焉辨瑤池何以駕弱水何以梁自喜美聽
實無行心出閭百步貿眩南北此問途者之過也亦
指途者之過也

崇晦翁揭二語中堂曰聖賢詩書總是義利之辨宇宙
事業不過物我之平餘齋曰天德王道言約而盡矣
餘齋曰先府君言士大夫常有五蔽揚名慕榮進榮進
羶者毀其名尊生厚享受享受過者伐其生怡神寄
玩賞玩賞侈者櫻其神給事養僮僕僮僕繁者生其

事裕後求田舍田舍廣者累其後故全名存乎止足
保身存乎惜福養性存乎寡欲省事存乎簡僕傳家
存乎貽穀

浮屠氏曰誦經爲人禱福或曰何爲已不如爲人也餘
齋曰不然夫福虛也而精實也以虛福易實精是爲
人不如爲已也或曰今若此者獨浮屠氏乎餘齋不
荅

或問曰爲多營而善逐乎毋寧懶矣爲柔附而媚容乎
毋寧傲矣何如餘齋曰營媚者中人所羞懶傲者名
士所託宜有間也雖然託其名耳士處季世謚乎無

容將見懶焉崢乎不撓將見傲焉非其實也夫懶與傲德之賊也禍患之藪也如之何其可居也

餘齋曰方壺府君不薦師醫亦不輕聽人薦曰師醫者興替死生之所係也

餘齋曰實二而名一則名立而不毀矣行五而言三則言出而寡尤矣斯之謂有餘地

餘齋曰望焉而羨至焉則厭計日以期涉艱不倦嗜榮者之情與得罔遜大取罔遺小樂可忘疲多莫知飽積賄者之情與以嗜榮之心嗜學以積賄之心積善聖賢其遠哉涑水有言如轉戶樞在我而已

餘齋曰論言於三代之下不能不賞偏至者論行於三代之下不能不予獨往者若仇世以決志矯心而赴名則姑舍是

餘齋曰有家者莫患乎昧大體而聽小言夫釁啓於背語而禍烈於傳構若結婦妾之口錮僕婢之唇宜家將過半矣

餘齋曰成事有三戒氣勝者僨神浮者疎言多者力不摯大公以爲見氣不期而平矣遠就以爲謀神不期而斂矣踐實以爲功言不期而括矣故君子有不爲爲必成有不成成必固

餘齋曰諺云夜不號捕鼠猫故當幾者勿露又云未雨
轟轟屏車莫停故成事者後言

餘齋曰骨月之倫無忘親厚而已矣無忘也者雖遇橫
逆猶是也弘而忍之之謂讓曲而聯之之謂仁潛移
而默成之之謂聖較則怨怨則離雖曲不自我等之
乎不祥語曰夫妻交市莫問誰益兄弟交憎莫問誰
直此之謂也

餘齋曰爲佳祖父作子孫可幸亦可懼也巴山木難爲
良冀野駒難爲強不克恢崇令緒豈宜落寞前修也
餘齋曰稷也聞之先子鶴田府君之行也所難及者三

焉勤施多濟而無德色里仇侵之訟則克而未嘗先
發一難不習詩書而秉禮裁義揆諸古則斤斤如也
餘齋曰方壺府君有故人語羨富貴府君謂之曰君能
求我富貴何有其人愕然請問曰觀君飯蔬而裘布
飽煖匪乏矣彼披錦列鼎者於飽煖有加乎然形孰
與君遜心孰與君閒則君於富貴有餘矣吾故欲君
反求其真我也友人憮然稱善
餘齋曰名諫者忠之賊也因他人之過以市名長厚者
不爲矧君父乎
餘齋曰德高者歸言高者違才高者雄色高者窮節高

者服氣高者僂故士崇其德而訥其言豐其才而鋤其色勵其節而平其氣故能成天下之大美

客揮越扇其金爍然或曰今市善贖試涅以膏迫以火苟非真者將黧焉以渝餘齋嘆曰吾於試金得試人焉夫光華其表而爍然於世者非鮮也利涅之而弗昏勢迫之而弗變乃可信其真矣

餘齋曰常以除之晚侍先府君爐炭初燃童子鼓篋先君曰止少焉赤黑漸半數舉箸抑其燄夜既久充爐赤盡白埃蒙生矣先君顧曰吾向抑之者懼斯象之早見也小子識之無揚燎薪之火速盡無益斂器之

水速傾

餘齋曰莊生有言百里奚爵祿不入於心故飯牛而肥獸牧猶然矧伊民牧今士潛而學遇而行爵祿之外靡措心者民之瘠宜哉

餘齋曰人有能易居所能難不以能市利士也乎哉不以能市名聖賢也乎哉

或問故事餘齋曰毋忽而已矣事無小而可易也幾無微而可玩也故慎以慮始毅以圖終豫以備卒簡以寡累密以杜讒諂曰若欲不忙淺水深防若欲無傷小怪大禳毋忽之謂也

餘齋曰以器禦器助其波也以薄報薄分其過也

餘齋曰四六興於偏朝乎其言纖且浮夫對上之文宜謹以達命臣之文宜簡以制

餘齋曰爲人日多暇其生平當無過人者爲人日無暇其生平當無過人者方壺府君常誦之

餘齋曰琢福之刃莫銛于恃保世之石莫良于戒

餘齋曰士之居身也有廉隅無鉅角其於世也有儀範無標幟故道方而不乖風操可宗而世不嫉

問割股孝乎餘齋曰未可知也急親者忘身事名者虧體故君子勿禁也亦勿賞

餘齋曰逐末遊食多於耕夫隸僕優娼多於良戶麗靡之物多於布粟邪淫之書多於經史俗何由而美治何由而興乎

餘齋曰強不可得衆而弱者得之以獨強以衆強孰勝巧不可得天而誠者得之以人巧以天巧疇獲

問朋友有過當盡言與餘齋曰然在吳辭在擇人夫不可與交者弗與言也不可與言者弗與交也

餘齋曰才子弟制其愛毋弛其誨故不以驕敗不肖子弟嚴其誨毋薄其愛故不以怨離

餘齋曰馬異視力人異視識或與羣野豎共席饌肝炙

江鮓鮓味美而饒骨羣豎競炙顧食鮓者黨笑之食鮓者赧焉輟箸易牙聞之曰野人何識吾怪夫輟箸者今夫貧約佳事也忍讓善道也佳事而慚之善道而忸焉其猶野豎之識也夫

餘齋曰形用乃習神用乃生故多暇之心涉事卽煩久逸之身當勞卽困

餘齋曰家有大不祥嗜言利者當之利風中於家庭賊氣入矣市道行於骨肉殘形成矣或曰然則廢治生與曰君子之室男女上下勤生而分業食服吉凶稱家而尊儉生可使足也烏在其言利也

餘齋曰世家子弟戒四恃絕六惡四恃者財足以豪氣足以逞門第足以矜小才足以先人緣茲四恃遂生

六惡曰奢曰淫曰懶曰傲曰剛狠曰浮薄

或問餘齋曰吾子斥與教將其語盡非與曰何爲其然也吾在都見僧瞋跌將化坐客乞言僧舉目曰老衲去來自如祇爲無事在心無累在世且舉淡之一言留贈賢輩又有以道術療人疾者衣敝莫理問之應曰何暇心及此斯二語者吾識之矣

或問知過易改過難何也餘齋曰貪酒者耐醉多欲者耐過心之容過其必有不能割者也書稱不吝孔言

聖澤珍屋
勿憚夫清吝之源絕憚之根其在寡欲乎

杏壇之陽有夫子檜焉獨幹無枝葉生理在內古今猶是也餘齋俯而拜仰而嘆曰觀茲象教覺六經之爲煩

餘齋曰宇宙經德是爲元氣元氣強則靈秀神奇成攝於正使其橫出而旁結者元氣不足以主也故王維失御雄俊託身於盜賊聖緒不昭聰智委心於釋老餘齋曰寶鑑不韜光無濫乎操矛日刺銳無利乎羣僮市嬉數呵不威無反侮乎故君子善藏明武時而用之

餘齋曰能剛者勇乎柔以爲剛者智乎剛柔以宜者義乎義勇爲上動莫與膺智勇次之事靡不成徒勇斯下自與禍井

餘齋曰養正氣者無媿於神斯不諂若執意慢神是客氣也神得禍之矣抱淳德者無求於世斯不屈若抗心傲世是薄德也世將戮之矣
或問史遷稱西伯陰行善何與餘齋曰文王之德默而成也深深乎其不可窺順帝配命而不存乎聲色故曰穆穆文王孔贊明夷周稱不顯凡雅詩之歌咏文德者靡不有深微之意焉孔門德之則謂之闇闇也

者其陰之義也夫

餘齋曰孔子之學祖堯舜而宗文王仕止久速蓋得之
執中下學莫知蓋得之不顯中庸首言中而卒乎不
顯也於乎聖人之學備矣

或問晦翁釋詩以不顯爲顯如子言得無異乎餘齋曰
此漢疏失義晦翁未之正也詩象文德每言不顯維
天配言於於穆烈文義存乎篤恭而亦臨之語言尤
較白吾聞之也信經者不必膠傳惜無從起晦翁而
質焉

餘齋曰疾之條累百繇食者多刑之條亦累百繇賄者

多故節嗜者衛生之經篤利者危身之本

或曰與君子言義與庸人言命何如餘齋曰不然與君
子參言命與庸人常言義夫幽而難齊者命也貪而
善倖者人情也故淑慝以號之是非以表之猶懼弗
率焉若知命而安者非君子疇克然

餘齋曰易者弗久難者克終天人之道也故事不可易
成名不可易得福不可易享

餘齋曰士貴絕所無益而審所有益問何謂絕無益曰
學無益勿習也言無益勿道也事無益勿爲也人無
益勿與也物無益勿好也何謂審有益曰或益於德

或益於身或益於家或益於世夫益於德無弗務其
三者益此或以損彼是故以義審之
餘齋曰今禮教之墮也莫甚於不行三年之喪矣行三
年之喪者素冠縞服云乎哉

藝海珠塵

南漚 吳 省蘭 泉之輯
奉賢 宋 玉詔 鳳來校

恥言二

徐禎稷纂

或問程氏言孔顏樂處可得等與餘齋曰可不愧於天
不作於人循此等之遠乎哉
餘齋曰德莫盛於讓道莫高於晦不與世爭勢利之事
易不以身居美善之名難

餘齋曰語云事無全遂物不兩興故天地之間必有缺

陷夫明者不務求全其所可缺者恐致損其所不可缺者

餘齋曰方壺府君有言士貧以當貴儉以當富或未達曰士處今之俗而免於侵賧恥辱者其貴乎不然其貧乎而免於窘迫求貸者其富乎不然其儉乎

餘齋曰恩慎其可繼也威慎其可伸也不繼之恩覆得怨焉不伸之威覆得侮焉

餘齋曰犯而不較其德弘也委蛇而全其用遠也故仁者能容智者能忍

餘齋曰人有我心故佛老之說得而感之儒者之道以

天地萬物為心而已矣

餘齋曰人不可無所成是故舍無益者而成

有益者舍暫且小者而成久大者則識於是乎尊矣

餘齋曰有才者不可無識也無識者不可有才也夫才

騁之則多事矜之則多怨恃之則多禍

餘齋曰道公私而已矣王公霸私聖人公佛老私公者

君子所難純私者世情所易入聖學王道吾惡從而

嗜諸人不可不察也

餘齋曰美食無飽不成飽也美宅無寢不成安也夫立身之忠信也立官之廉也立家之儉也庶美之所待

藝海珍塵
以成也

餘齋曰御國家者咸賞狗義而已不以狗已不以狗人故使人不怨勿使人悅

或問賞而人恩之罰而人畏之其道何繇餘齋曰惟嚴惟明其賞也恩惟寬惟惠其罰也畏

或問士而爲善矣有戒諸餘齋曰奚而無戒也戒在挾夫挾善而言失也易挾善而行失也亢挾善而與人失也矜言易行亢與人矜比於凶德其有弗自覺者也是故戒之戒之冲冲若虛溫恭愼默以爲德基富家得子而愛諮於醫曰若爲使嬰勿病乎醫曰子曷

不云若爲使勿病嬰乎夫父愛者子多過母愛者子多病餘飽餘煖是生疾疾而能以義制愛嬰病去半矣餘齋聞而嘆曰善夫吾聞之上醫原病下醫攻病東村之壤多蕪餘齋過而問焉村翁咨嗟應曰吾村故沃土也村氓髮長習耕其寡言饒力者劣衣食者先作後息甘勤而不厭者父母愛之鄰黨譽之自昔歲有農師來善分土穀之性度晴潦之數牛器種穫事有新意尊巧而規便朴勤爲拙於是村之少年漸皆愛力倖偷與之言則囂不可喻而吾村之壤數見蕪矣餘齋蹙然顧從者曰吾懼今爲學者之蕪吾道也

餘齋曰世有恒言不可不察也夫言徵斯信信斯傳非
 經非傳而能傳於百世恒人之口者其信也久矣其
 徵也必多矣故夫言非至弗恒也庸可忽諸
 問戒屠仁乎餘齋曰然放生仁乎曰然然則君子奚而
 不務也曰愛及鳥獸仁之末也君子圖其大者不務
 其小者世俗為之君子亦不非也
 或問士品孰尚餘齋曰子不見卉木乎品木者與材矣
 品花者與芳矣若後彫之木羣材右之凌寒之花眾
 芳冠之材與芳所同也骨所異也
 或問餘齋曰學者尊生與曰然學者治生與曰然夫學

將有以濟也內不濟身焉能外通不濟家焉能遠故
 學以寡欲而平情尊生在其中矣學以敏事而節用
 治生在其中矣
 餘齋曰喪亂何形人相與爭治安何象人相與讓故善
 家與國者莫急興讓以絕爭夫讓匪曲節也於德為
 表於禮為質德以讓昭感人也深於惠禮以讓立東
 人也固於法
 或謂餘齋曰今之才不古若天與人乎餘齋曰聞諸先
 子古者三德六行以造士惇惇如也考德既成後任
 以職猶樹五穀焉選種而勤糞之熟然後獲故厥用

美而且富近世藝士之術荒矣若山苗野實又不審性味擷以薦餒而責其為用之五穀若也難矣果天與人乎

或問顏氏之立卓末從何如餘齋曰求道者譬若捕禽禽四翔於寥廓莫之能圍也有虞師者誨人以造器設餌之方方盡而禽致矣然得禽爾力也使禽馴我非爾力也養而需之未可幾日故喟然夫孔子三十而立七十而從顏氏子之弗長於命也能立而未能從不亦宜乎

餘齋曰先府君常言士無為詩書所無毋為法律所有

為詩書所無則悖為法律所有則罪

餘齋曰先府君言持門戶有子孫者必謹於風氣之端夫倫彙名簡家之正氣詩書澹約家之清氣保斯二者故世而才易以成彥士世而不才也猶得謹素存其家聲

餘齋曰片銅而晰萬形刮磨之功與尺鐵而剗百物淬礪之力與夫先憚自治而能治人者吾未之聞餘齋曰用嚴者道莫利於簡夫嚴故憚簡故安煩而細嚴之所以窮也

或問民風如何則至治矣餘齋曰治之至也有加陶唐

成周者與陶唐不可見於蟋蟀見遺俗焉成周不可見於七月見風始焉皆不外習勤安儉務本而無惰心云爾是謂治元元氣漸剝乃生文明乃成盛美治之末也非其至也至治之象天下皆儉勤務本者近之

餘齋曰孝友節義性情之正者也其行人之所不能行性情之至者也割膚殉死之類禮弗載焉故可行而不以訓共財不繼室之類勢難齊焉故可訓而不以強

鄰居者同謀築舍西家夕謀而旦命工東家景卜累日

儲計累月逾時焉然後命工無何東家先西家告終餘齋歎曰東鄰其知道乎是故學蓄而緩發熟計而迅成斯之謂善建

或問泰以順應君子也當樂而思憂蟋蟀過與餘齋曰暫樂與長樂孰樂夫憂先於事者不入於憂事至而憂者無及於事故順而不惰泰而能常善哉蟋蟀可與樂矣

餘齋曰多經疾苦可與謀攝生多歷憂患可與圖涉世餘齋曰君子內治嚴以辨外治寬以簡惟嚴辨於內也然後能寬簡於外

餘齋曰勤敏者所以居閒乎恬鎮者所以處迫乎危惕者所以行順乎寬夷者所以歷險乎其道一也

餘齋觀燎火者燄過揚則殺之衰迺加薪焉嘆曰士之在世猶執燎矣故處盈之道亟損其末處消之道務益其本

餘齋曰富家之浮蠹窳人之生命貴者之體勢細民之身家以人生命供浮蠹以人身家立體勢可第曰我分當然而已乎

餘齋曰吾常見誇已者以要譽而受嗤也吾常見媚人者以求悅而招鄙也夫士處世無為可議勿期人譽

無為可怨勿期人悅

餘齋曰人情嫉亢簡未嘗不服澹正也狎向圓未嘗不親易直也故高世而人弗憎無求者得之和世而已不失任真者得之

客有慕書繪而習之者餘齋曰何庸乎對曰今世間人雅士以此當之蓋執御之感惟昔然矣

餘齋曰君子直不發人所不白清不矯人所不堪剛不絕人所不忍察不掩人所不意任不强人所不勝

餘齋曰維人有身心者主乎形者奴乎情欲者冠乎勞心而養形主奉奴乎恣形而狗欲奴引冠乎耽欲而

皓心寇戕主乎吾見主人之能覺者鮮矣吾見主人之覺而能斷者又鮮矣

餘齋曰才者能威故不苛智者能明故不察震暴禦人之我犯威不足也億逆防人之我欺明不足也

或問以致良知立教者奚若餘齋曰子以西教文行忠信

或曰龍以難見稱神故至人貴潛餘齋曰不然龍德澤物待時而後行神其時見也非神其難見也夫蟄物何限潛遂貴龍哉

市夫以力受直右市之人窶左市之人饒然而善察餘

齋問其繇或告曰左市夫有名限右則一否餘齋嘆曰左市人之可悲也直則欲其分之寡也力則不惜其殫也以生易賄奚利哉故君子戒見利而忘心小人戒見利而忘身

餘齋曰無生之民不可得而治也鮮恥之俗不可得而教也故治先休養貴樂其生教首風表庸振其恥

餘齋曰水其似至人之心乎夫虛中而漚有自然之圓隨物而流有自然平圓滿已性平通萬物之性

或問持法者寬與嚴也孰貴餘齋曰法無寬嚴清者斯貴敢問清曰施之當行之信而已矣善法者法如其

事無以有心法如其人無以有已使人有憑焉而莫之敢玩有憚焉而莫之敢怨故曰水鑑隨形羣象資明權衡無情庶物取平為水為衡用法迺清

餘齋曰君子嗜甘則思節酣旨則思戒防愛之鍾也矧於人乎夫嬖姬而淑驕子而孝狎友而端幸臣而忠古今罕之故恩不可偏愛不可溺懼賊夫人亦自貽戚

餘齋曰處難處之事可以長識調難調之人可以鍊性學在其中矣

餘齋曰吾亦常疑古之不可宜於今也然提古之道揆

今之事消息祥殃較其所弗合者而莫可得也

或問崇晦府君之德也餘齋曰稷也何足以窺之固問曰道貞無咎不徇俗以累身不徇欲以累心去利去名其歸也誠稷所知其斯而已

或問士講學乎餘齋曰士入言於妻子非簡身範家者勿道也出言於所交之人非寡過行世者勿圖也當事議事服官籌政習乎其所居講乎其所行士奚而非講學也

或問為士者必有高志與餘齋曰然否夫志以要請也高而能詣弗稱高矣苟云無實不如篤也故慕大畧

者不如積細善驚奇行者不如謹常度于顯譽者不
如修隱德歆捷效者不如需久成
童子見橘方華園丁振而墮之嘆曰惜矣園丁曰嘻吾
所惜與子異童子未喻以問餘齋餘齋曰橘也乎哉
凡物之情多華不利於實
或論士有有體而無用者餘齋曰世均人也而士之尚
之也尚之者何其有用之也然而有不用者時也無
用之體體非體矣奚其士
友人題其門曰淨拭目定立足硬豎脊緊束腹餘齋過
而三復嘆曰士乎信能體此四者達行則偉其烈窮

居則尚其節

或問仲尼弟子於顏氏外未或輕嘆許也童冠春遊暫
何深當與餘齋曰士先自得其性然後可加以學問
性者無愧無怍之體是也苟自得之則無入不得矣
故說樂不愠立教首稱焉而七十子殆未之及也陋
巷不改體此者淵乎哉瑟希言志見此者哲乎哉
或曰人有言直如弦死道邊諒乎餘齋曰然然則人將
枉以生與曰君子直於理非直於氣夫子常曰好直
不好學又曰直而無禮乃知直有學焉直亦有禮焉
人自死不學無禮而今直受其名乎根之以忠敬出

之以虛平奚必死

野人植樹三歲而不榮糞之以硫春花殷枝及夏槁死
餘齋太息曰人莫病夫本不足而借之外爲有餘亦
終於不足也已故養生者餌石以供勞慾居室者貸
責以給豪靡修名者欺飾以資矜炫仕進者攀趨以
微顯臚類夫慕春榮而不圖其槁者也

或問富不如貧貴不如賤斯言何如餘齋曰此達言非
至言也敢問至言曰君子無入不自得然則死生如
何曰死壽不二問何謂不二曰語云不愧不作生樂
死樂此邇言卽至言也

或問語不云乎事留餘地何如則可以留餘地矣餘齋

曰地也者所以受也虛則留之譬彼繪采厥地在素
損采而素自留故處世能知不足之爲有餘也則幾
矣

餘齋曰德與人同有大德者也福與人同有大福者也
據獨善者無成私獨利者不享

餘齋曰常侍於先子客有自言好善者先子曰難言也
客不悅先子曰子好善誠乎曰誠曰貨與色世人好
焉非之賤之弗止也輕難而安險覆踵於前弗見
也今子好善能一非譽乎能忘利害乎則吾言過矣

客不能答

或問餘齋曰崇晦翁亟稱士儉可以貧此言何謂與餘齋曰此先子有爲言之也蓋感於以居室開禍者而嘆曰蒼生其曰蹙乎生斯世也而免其惟貧貧也而不困且濫其惟儉故俗之儉貴其可以富士之儉貴其可以貧

或問餘齋曰人有言猛虎叢可立躬信乎曰然曰何如曰地立其不敗者忠信是與途遵其無競者謙恕是與忠信積而能孚謙恕行而得衆非一朝一夕之致也尺筮擊陶不碎亦豐惟無如實中者何矢石之悍

也抵懸襍而自廢故篤實無偽可制魑魅溫恭慎默可應暴客天地昌君子揚焉天地窮君子容焉其有異術乎哉

餘齋曰政平天下者君也教平天下者師也皆謂大人學大人之學者士也或問政教何如可以平天下矣曰天下盡人也人與人倫而道行其間矣人人各正其倫而世有其道矣夫天下有道則平倫正之謂也是故實政尚倫實教明倫實學敦倫舍人倫而言道遠人道而言政教與學是索魚於巖求鹿於泉也餘齋曰士大夫在鄉使鄉之人敬之其次愛之若人可

侮焉未矣然猶賢於使人惴惴而莫或敢忤者
餘齋爲郎刑曹有童年獨子號於有司願代父辟或問
所以待之餘齋曰勿許問何也曰子代父死死而旌
焉情法盡也獨子而無嗣者勿許斷以義也如其請
之君君欲兩原則順之此仁主之異恩非有司者之
職也

餘齋曰先子有言金之聲薄易發水之藏淺易察夫易
形於言而易動於色者其成德而受福可知也

餘齋曰國君理財如不得已以此心取民民不傷以此
心制用用不困民不傷而用不困王政之基也

餘齋曰懷匡俗之志者不務絕俗之行負濟時之畧者
不爲憤時之言夫用世有二難曰真心曰實濟以真
心圖實濟氣也惡得而不平詞也惡得而不謹
餘齋曰鶴田府君善喻人親交有過勿絕也必規而道
之臧獲有罪勿棄也必誠而訓之多自新也者常言
喻人而人不喻其故有二身不正不足以服言不誠
不足以動

餘齋問於人曰士奚志曰志聖人奚學曰學爲聖人餘
齋曰如子言志是也而學非也吾聞學爲人而成聖
者矣未聞學爲聖人而成聖者也或未達曰言忠信

行篤敬及其至也謂之聖人若行也將以法世言也將以傳世學聖人彌勤違聖人彌遠
餘齋曰釁淺而怨深妨人之陰者也罪微而禍巨奸時之思者也

餘齋曰士而破欲美觀聽之心則可謂有識力也已夫觀聽者他人之耳目也而或損我德為損我名為損我生焉以悅之則惑之甚者也然而能破之者鮮矣
餘齋曰里語云畏已貧憂人富小人之情與君子反是或問曰然則君子畏已富乎夫富奚畏曰畏其易淫而善累也累何如曰多營累心殖穢累名漫藏累身

作法奢累子孫

北山有松絜之十圍枯槎無榮藤蔓是蘖餘齋顧之而嘆或問焉餘齋曰夫藤之始附於木也嫻然甚柔盜木之滋日長日堅木迺受其繩束以死而不覺也吾何嘆哉吾嘆夫佞媚之以柔自固漸以柔制人及于喪亡而人不覺者

餘齋曰先子有言輕俊機慧之人學焉而不入於道夫居道之器靜以真孔門諸士顏也姿穎以深潛得之曾也質魯以篤實得之

客問餘齋一言而盡聖學者有諸曰不欺一言而盡王

道者有諸曰不忍

或問士大夫處鄉之道惡在餘齋曰在厚在儉夫鄉俗之替也薄與侈概之矣敦厚以風薄立儉以救侈鄉士大夫之責也是亦為政斯之謂與

有里中豪家而後失所者見餘齋曰嘻天之於我也甚矣餘齋曰子知豐乎耘之糞之曠潦侵之曰天也若博飲于邀聽畝之自蕪者非天也吾子盈不知節消不知戒窮不知悔天如子何而俾受其尤嘻子之於天也則甚矣

人謂餘齋夫儉亦有不可為者俗靡而已朴如矯何家

優而奉畜如吝何餘齋曰不然惡矯為其飾也澹以明志匪為市名奚矯之有惡吝為其殖也節以善施匪為多藏奚吝之有

歲初涼餘齋與農夫適野視禾之珥舍者倍茁餘齋曰茂哉農父曰否是密庖溲壤肥則長驟及其成也薪有餘而畜於穀又視水田多龜拆餘齋曰儻哉農父曰否夫秋將有烈風焉飽水之禾貌沃而質脆奪其滋所以堅之也餘齋曰物之道其有乘除乎人之道其有補損乎故圖大成者精華戒其早洩存遠慮者休養無宜太過

鄉有病於酒者使醫視之其醫非常醫也至則謝弗治
 曰是受之深發之卒晚矣罔措吾術矣餘齋聞之曰
 酒病非病也及其病越人不能療也夫世無不可為
 之疾而疾有不可為之時蓋玩於微成於漸而壞於
 積也養生之言曰知微善防妙超岐黃
 餘齋曰人世無足足在寡欲勞生無閒閒在信天
 餘齋入佛廬而致恭焉友人曰子亦佞佛與餘齋曰否
 佛也仙也皆謂鬼神儒家之道其於鬼神敬而不瀆
 吾盡吾道焉而已
 餘齋曰異哉晚世所謂治與學者徵賦決罰治乎哉聚

講著書學乎哉

餘齋曰神守居沼魚也睦魚賊居沼魚也亂夫居於人
 之間君子善合人小人善離人
 餘齋曰躡百仞之峯者身善危矚日之耀者眸善眩
 士居崇而履平危乎遠矣處明而用晦眩乎免矣
 餘齋與客道逢餒夫客識之曰故家子也餘齋顧從者
 予錢百客從而矚焉呼市家選良酒脯一餐而盡色
 猶未饜客曰世之至聖大賢極富貴不失貧賤客焉
 至愚不肖極貧賤不失富貴客焉從者皆粲然餘齋
 顧曰識之此通言似詠也

餘齋曰大服天下有法公焉而已矣善感天下有神誠焉而已矣公之極誠之積至治其在掌上乎
餘齋曰仁與義合焉之爲德離焉之爲賊不義之仁尤於不仁不仁之義尤於不義
餘齋曰吾求心體於論語大學而見佛氏之言淺也吾觀世用於易中庸而見老氏之論疏也夫天下之理私者必淺詭者必疏
或曰善治使民逸餘齋曰不然善治使民勤或曰善治使民富餘齋曰不然善治使民儉夫儉勤也而逸富至明者戒之

餘齋曰譬諸食服珍牢而臭惡與將疏水也而潔清綺紈而塗穢與將布苧也而淨雅辨此者士矣
鄰叟以金玉觴客戒其僕曰先酌玉時客之將醉也更以金僕曰何哉曰懼醉客弗慎而或敗吾寶也然則金非寶與曰金敗可改爲玉一敗不可完矣餘齋曰爵祿之於人也金乎名節之於人也玉乎故士有不
再之寶不可玷有不償之悔不可蹈
或問泰九三之義餘齋曰人而處泰其福也福者享之則耗過享卽盡故君子戒於方泰懷艱而守貞雖有福不敢食也食之云猶享也夫天之數乘以除人之

能損以補天人感孚機若影響明者恤之則時保而
能斷昧者勿恤將日消而速反
餘齋曰孝經之爲經也夫子命之矣夫經之最古以醇
者宜莫若孝經孝經帝之德也因心成教端本而化
其在唐虞之際乎書詩禮中古之典也王道彬彬備
矣易與春秋之作也聖人而當道之微乎是故參升
降窮正變設權焉以致神多方焉以備世則聖人之
極思也亦聖人之不得已也故曰經之最古以醇無
若孝經
餘齋曰聖賢志誠豪傑心小或問心不足盡豪傑與曰

兵輕敵者畏法也士忘身者畏義也君子有三畏而
名與利莫之能移也威與難莫之能懾也是故其心
彌小其膽彌大斯之謂豪傑

餘齋曰矜名喜同不足以得君子成心盛意不足以服
小人故世有正上而不收其益也

餘齋曰園葵家織曾卿罪其病民餘帛贏財漢相律爲
負主夫豈不義而君子言之

餘齋曰成事之人不易事見事之人不多事
餘齋曰方壺府君在廣坐有言仕宦而薄產者或譽之
或笑之府君曰俗情皆私子孫斯人特甚耳一坐服

其雅言

或問餘齋道奚在曰在心學道奚先曰在持心持者守之而勿失也問其目曰遇嗜欲持澹心遇言動持謹心遇人物持平心道在其中矣

餘齋曰易深孝經大易聖矣孝經神矣讀易如汲淵者不見底然操繩以汲者隨淺深而得焉讀孝經如浮海一望在目中欲詣其津涯而茫茫安適矣或問孝經何義也餘齋曰一言以蔽之曰以順天下順者柔之也庸行之極無爲焉而天下化爲之順嗚呼非古至聖其孰能當之其孰能知之

餘齋曰至聖刪述皆有所因無因而作者惟孝經與德盡神功盡化其千古所未發與

或曰易扶陽抑陰而已餘齋曰不然夫易者易也道易故神是故用陽以陰用陰以陽二者相易而相爲用不可須臾舍也扶陽抑陰而已易乎哉

餘齋曰曾氏言夫子之道忠恕而已庸齋府君言易之道中庸而已

跋

餘齋先生世載盛德躬修周程之行而不肯講學畏得名也所著恥言二卷字字藥石然僅以傳示子孫亦不

付梓嗚呼先生之逃名也至矣騏從友人處得而讀之
竦然如對嚴師因跋數語於後以誌幸焉壬戌冬十一
月後學吳騏敬書

夫曰長夫與明也前已籍籍於公夫長也道是
盡輒也盡分也
未與與
下化為順嗚呼
翁微曰至聖冊

